



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2013. GODINU DEMOKRATSKE FRONTE – ŽELJKO KOMŠIĆ

Broj: 03-07-6-305/14
Sarajevo, 06. jul 2015. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Demokratske fronte – Željko Komšić za 2013. godinu.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2013. godinu, utvrđeno je da je Demokratska fronta – Željko Komšić prekršila odredbe člana 11. i člana 12. stav (1) i (3) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Demokratske fronte – Željko Komšić za 2013. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Demokratska fronta – Željko Komšić se finansirala iz sljedećih izvora¹:

Red. br.	Vrsta prihoda	Iznos u KM	Učešće u uk. prih. %
1	Članarina	76.053,00	46,65%
2	Prilozi fizičkih lica (3-a)	34.880,00	21,39%
3	Prilozi pravnih lica (3-b)	7.470,00	4,57%
4	Prihodi od imovine (3-c)	0,00	0,00%
5	Prihodi od pr.lica (3-d)	0,00	0,00%
6	Prihodi od poklona (3-e)	44.618,00	27,39%
7	Prihodi iz budžeta (3-f)	0,00	0,00%
8	Prihodi od propagande (3-g)	0,00	0,00%
9	Ostali prihodi	0,00	0,00%
I	Ukupni prihodi	163.021,00	100,00%
II	Kreditno zaduženje kod banaka	0,00	0,00%
Izvori finansiranja (I+II)		163.021,00	100,00%

U godišnjem finansijskom izvještaju stranka je iskazala ukupne rashode u iznosu od 131.907,00 KM.

2. PREDSTAVLJANJE POLITIČKE STRANKE

Naziv političke stranke: Demokratska fronta – Željko Komšić. Skraćeni naziv je DF.

Demokratska fronta – Željko Komšić BH je registrovana kod Općinskog suda u Sarajevu broj upisa: 065-0-F1-13-000001 od 24.04.2013. godine. Rješenjem Općinskog suda broj: 065-0-F1-13-000001 od 06.05.2014. godine izmjenjen je naziv političke stranke koji glasi Demokratska fronta – Željko Komšić.

Sjedište političke stranke je u Sarajevu, Saliha Udžvarlića br. 10.

Lice ovlašteno za zastupanje stranke je Željko Komšić, predsjednik stranke.

Lice ovlašteno za podnošenje finansijskih izvještaja stranke za 2013. godinu je Sifet Podžić.

Prema podacima iz godišnjeg finansijskog izvještaja za 2013. godinu, organizacionu strukturu Demokratska fronta – Željko Komšić čine:

- Centrala DF,
- 4 kantonalna odbora i
- 29 općinskih odbora.

¹ Podaci iz ispravljenog obrasca 3 (izvori finansiranja) koji je dostavljen dana 31.03.2015. godine.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Demokratska fronta – Željko Komšić za 2013. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava sa posebnim naglaskom na priloge fizičkih i pravnih lica i prihode od poklona.

4. PRETHODNE KONTROLE I REVIZIJE

Kontrola finansijskih izvještaja Demokratske fronte – Željko Komšić obavlja se prvi put.

5. NALAZI I PREPORUKE

5.1. NALAZI

a) Stranka je prekršila odredbe člana 11. i člana 12. stav (1) i (3) Zakona o finansiranju političkih stranaka.

Na osnovu obavljenog pregleda, utvrđeno je da stranka nije evidentirala sve prihode i troškove u svojim poslovnim knjigama, te da godišnji finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka - u daljem tekstu: Pravilnik, čime je prekršila odredbe člana 11. i člana 12. stav (1) i (3) Zakona o finansiranju političkih stranaka.

(1) Stranka je u obrascima 3 (Izvori finansiranja) i 3-b (prilozi pravnih lica) iskazala prilog pravnog lica „Inel BH“ u iznosu od 200,00 KM.

Uvidom u dostavljenu dokumentaciju, utvrđeno je da je stranka navedenom pravnom licu vratila novčana sredstva u iznosu od 200,00 KM, a da za isti iznos nije umanjila ukupan prihod u obrascu 3, niti je korigovala podatke o priložima pravnih lica u pojedinačnom obrascu 3-b, čime je postupila suprotno odredbama člana 13. i člana 15. Pravilnika.

(2) Demokratska fronta – Željko Komšić je u obrascu 3-e iskazala nenovčanu donaciju fizičkog lica u iznosu od 28.080,00 KM.

Uvidom u poslovne knjige, utvrđeno je da je stranka navedenu donaciju evidentirala na osnovu računa koji je ispostavljen od strane fizičkog lica. Stranka je od navedenog iznosa fizičkom licu platila 4.080,00 KM, odnosno iznos PDV-a.

Na zahtjev Centralne izborne komisije Bosne i Hercegovine broj: 03-07-6-305-8/13 od dana 22.04.2015. godine², Demokratska fronta – Željko Komšić je dostavila obrazloženje fizičkog lica koje je ispostavilo fakturu, u kojem je navedeno da se vrijednost ispostavljene fakture u iznosu od 24.000,00 KM bez PDV-a odnosi djelimično na dorade i popravke prostora i to u iznosu od 15.000,00 KM koje je stranka obavezna platiti, a iznos od 9.000,00 KM predstavlja zakupninu koju stranka nije obavezna platiti.

Dana 01.06.2015. godine stranka je dostavila dokumentaciju (izvod i uplatnicu) iz koje je utvrđeno da je dana 26.05.2015. godine izvršila plaćanje obaveze fizičkom licu u iznosu od 15.000,00 KM.

Na osnovu navedenog, utvrđeno je da je stranka u svojim poslovnim knjigama pogrešno evidentirala prihode i obaveze po fakturi fizičkog lica, odnosno nesnovano je uvećala svoje prihode za 19.080,00 KM, dok je obaveze iskazala u manjem iznosu za 15.000,00 KM.

Obzirom da je finansijski izvještaja popunila na osnovu nepravilnih knjigovodstvenih evidencija, Demokratska fronta – Željko Komšić je i u obrascima finansijskih izvještaja prihode iskazala u većem iznosu 19.080,00 KM, a obaveze u manjem iznosu za 15.000,00 KM, čime je prekršila odredbe člana 13., člana 18. i člana 24. Pravilnika.

- (3) Stranka je finansijski izvještaj za 2013. godinu podnijela suprotno odredbama člana 7. stav (2) Pravilnika, odnosno pojedinačne obrasce troškova 4-1 i 4-2 nije dostavila posebno za svaki odbor stranke.
- (4) Pregledom finansijskog izvještaja i dodatne finansijske dokumentacije, utvrđeno je da Demokratska fronta – Željko Komšić nije vodila adekvatne evidencije o svojim rashodima, te da u finansijskom izvještaju nije pravilno iskazala troškove zakupa poslovnih prostora, čime je prekršila odredbe člana 20. i člana 21. Pravilnika

Stranka je u obrascu 4-1 (Režijsko-administrativni i ostali troškovi) koji je dostavljen na nivou stranke, iskazala troškove zakupa poslovnih prostora za sve kantonalne i općinske odbore stranke u iznosu od 58.370,00 KM.

Uvidom u ugovore o zakupu i poslovne knjige, utvrđeno je da je stranka troškove zakupa poslovnih prostora iskazala u manjem iznosu za 4.192,61 KM, i to za prostore koje su koristili sljedeći organizacioni dijelovi: OO Ilijaš u iznosu od 300,00 KM, OO Tuzla u iznosu od 562,50 KM, OO Gračanica u iznosu od 234,00 KM, OO Bihać u iznosu od 984,21 KM, OO Konjic u iznosu od 750,00 KM, Odbor Brčko u iznosu od 500,00 KM, OO Bugojno u iznosu od 111,90 i Mostar u iznosu od 750,00 KM.

5.2. PREPORUKE

Preporučuje se Demokratskoj fronti – Željko Komšić da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da poslovne knjige vodi u skladu sa zakonskim propisima, odnosno da vodi adekvatne evidencije o svojim prihodima, rashodima i obavezama i***
- ***da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.***

² Centralna izborna komisija Bosne i Hercegovine je Demokratskoj fronti – Željko Komšić uputila Zahtjev za dostavljanje podataka o iznosu zakupnine i dokumentacije na osnovu koje je provedeno knjiženjen zakupnine na dan 31.12.2013. godine.

KOMENTAR:

Demokratska fronta – Željko Komšić je u ostavljenom roku dostavila primjedbe na Preliminarni izvještaj o pregledu godišnjeg finansijskog izvještaja za 2013. godinu.

Stranka je djelimično postupila u skladu sa preporukama, te je u ostavljenom roku dostavila uplatnicu kao dokaz o vraćenom prilogu Listi za Bugojno u iznosu od 275,00 KM i uplatnicu o plaćanju zakupnine Udruženju smostalnih obrtnika Mostar u iznosu od 450,00 KM, zbog čega je Služba za reviziju izvršila korekciju nalaza. Takođe, stranka je dostavila ispravljene obrasce 1.1 i 2 godišnjeg finansijskog izvještaja za 2013. godinu.

Služba za reviziju je uvažila sve argumentovane primjedbe stranke, i u skladu sa tim korigovala nalaze.

šef Odsjeka za revizijske poslove

Sanja Tošović

Revizor

Veliborka Kenjić

šef Službe za reviziju

mr. sc. Hasida Gušić